



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav 1. Zakona o finansiranju političkih stranaka («Službeni glasnik BiH» broj 95/12), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2011. GODINU LIBERALNO DEMOKRATSKE STRANKE BiH

Broj: 03-07-6-454/12
Sarajevo, 13. maj 2013. godine

SADRŽAJ

MIŠLJENJE.....	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE	5
Predmet revizije	5
Cilj revizije je	5
Obim revizije	5
4. PRETHODNE KONTROLE I REVIZIJE	5
5. NALAZI REVIZIJE I PREPORUKE	6
5.1. NALAZI.....	6
5.2. PREPORUKE	10

MIŠLJENJE

Služba za reviziju finansiranja političkih stranaka izvršila je reviziju godišnjeg finansijskog izvještaja Liberalno demokratske stranke BiH za 2011. godinu

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa Zakonom o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Utvdili smo da Liberalno demokratska stranka BiH u izvještajnom periodu nije postupila u skladu sa odredbama člana 8. stav (1) i člana 11. stav (1) i stav (3) Zakona o finansiranju političkih stranaka.

Prema našem mišljenju, osim navedenog, revidirani finansijski izvještaj ukazuje da je Liberalno demokratska stranka BiH u 2011. godini postupala u skladu sa odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju godišnjeg finansijskog izvještaja Liberalno demokratske stranke BiH za 2011. godinu.

Revizija je preduzeta u skladu sa članom 10. stav (1) Zakona o finansiranju političkih stranaka, članom 24. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da se revizija obavlja na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Liberalno demokratska stranka BiH ostvarila je ukupne prihode u iznosu od 85.622,63 KM, što se vidi iz sljedeće tabele:

Red. br.	Vrsta prihoda	Iznos u KM	Učešće u Uk.prih. %
1	Članarina	500,00	0,58%
2	Prilozi fizičkih lica	801,00	0,94 %
3	Prilozi pravnih lica	12.847,51	15,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	1000,00	1,17%
7	Prihodi iz budžeta	68.092,80	79,53%
8	Ostali prihodi	2.381,32	2,78%
	Ukupni prihodi:	85.622,63	100,00%

U godišnjem finansijskom izvještaju Liberalno demokratska stranka BiH iskazala je ukupne rashode u iznosu od 60.547,00 KM.

2. PREDSTAVLJANJE POLITIČKE STRANKE

Naziv političke stranke: Liberalno demokratska stranka BiH. Skraćeni naziv stranke je LDS BiH. Liberalno demokratska stranka BiH je registrovana dana 03.07.2000. godine kod Kantonalnog suda u Sarajevu pod brojem R-1-2/00.

Sjedište političke stranke je u Sarajevu, ulica Maršala Tita 9a.

Ovlašteno lice za zastupanje stranke u 2011. godini je Bojan Zec Filipović, predsjednik stranke.¹ Osoba ovlaštena za podnošenje finansijskih izvještaja za 2011. godinu je Edin Šehić.

Prema podacima iz godišnjeg finansijskog izvještaja za 2011. godinu, Liberalno demokratska stranka ima sljedeću organizacionu strukturu:

- Centralni ured LDS BiH,
- Mladi liberali LDS BiH,
- Kantonalni odbor LDS BiH Goražde i
- 18 općinska odbora LDS BiH.

¹ Rješenjem Općinskog suda u Sarajevu br. 065-O- F1-12-000017 od 31.05.2012. godine upisana je promjena lica za zastupanje stranke i to je Husarić Amir.

3. OPIS REVIZIJE

Predmet revizije je godišnji finansijski izvještaj Liberalno demokratske stranke BiH za 2011. godinu, i to sljedećih organizacionih dijelova:

- Centralni ured LDS BiH Sarajevo,
- Kantonalni odbor LDS BiH Goražde i
- Općinski odbor LDS BiH Sanski Most.

Cilj revizije je da se prikupi dovoljno relevantnih dokaza kako bi se moglo izraziti mišljenje o tome da li je Liberalno demokratska stranka BiH u izvještajnom periodu postupala u skladu sa odredbama tada važećeg Zakona o finansiranju političkih stranaka („Službeni glasnik BiH“ br. 22/00, 102/09 i 54/10)²- u daljem tekstu: Zakon o finansiranju.

Obim revizije finansijskog izvještaja Liberalno demokratske stranke BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju, odnosno usklađenosti izvora finansiranja i načina trošenja sredstava, sa posebnim naglaskom na priloge pravnih lica, prihode iz budžeta i ostale prihode.

4. PRETHODNE KONTROLE I REVIZIJE

Služba za reviziju finansiranja političkih stranaka kontinuirano je obavljala reviziju i pregled finansijskih izvještaja Liberalno demokratske stranke BiH u periodu od 2005. do 2010. godine, nakon čega su izdati izvještaji o reviziji, odnosno izvještaji o pregledu sa nalazima revizije, mišljenjem revizora i preporukama stranci.

Nakon izvršenog pregleda godišnjeg finansijskog izvještaja za 2010. godinu, izdat je izvještaj o pregledu sa mišljenjem revizora, nalazima revizije i preporukama stranci da treba postupati u skladu sa odredbama člana člana 8. stav (1) i člana 11. stav (1) i stav (3) Zakona o finansiranju.

Nerealizovane preporuke

Na osnovu uočenih nedostataka u godišnjem finansijskom izvještaju za 2011. godinu, utvrđeno je da Liberalno demokratska stranka Bosne i Hercegovine nije ispoštovala preporuke date u Izvještaju o pregledu godišnjeg finansijskog izvještaja za 2010. godinu, odnosno i dalje postupa suprotno odredbama člana 8. stav (1) i člana 11. stav (1) i stav (3) Zakona o finansiranju.

5. NALAZI REVIZIJE I PREPORUKE

5.1. NALAZI

- a) **Na osnovu obavljene revizije godišnjeg finansijskog izvještaja za 2011. godinu, utvrđeno je da je Liberalno demokratska stranka Bosne i Hercegovine prekršila odredbe člana 8. stav (1) Zakona o finansiranju.**³

² Dana 5.12.2012. godine stupio je na snagu novi Zakon o finansiranju političkih stranaka („Službeni glasnik BiH“ br.95/12).

³ U članu 8. stav (1) tada važećeg Zakona o finansiranju političkih stranaka («Službeni glasnik BiH» broj: 22/00, 102/09 i 54/10), koji je bio na snazi do 04.12.2012. godine), propisano je da državni, entitetski i kantonalni organi, organi Brčko Distrikta BiH, organi općinskih i mjesnih zajednica, javne institucije, javna preduzeća, humanitarne organizacije, anonimni donatori, vjerske zajednice, kao i pravna lica u kojima uloženi javni kapital iznosi najmanje 25% ne mogu da finansiraju političke stranke.

Liberalno demokratska stranka, odnosno njeni organizacioni dijelovi su, bez naknade, koristili poslovne prostorije općinskih organa uprave, što nije u skladu sa odredbama člana 8. stav (1) Zakona o finansiranju.

- Općinskom odboru Liberalno demokratske stranke BiH Ilijaš je Ugovorom broj: 05-23-2145/03 od 02.06.2003. godine, dodjeljen na korištenje bez naknade, prostor površine 16,53 m² u poslovnoj zgradi Općine Ilijaš. Na osnovu Odluke o načinu i visini plaćanja zakupnine poslovnih prostora na području Općine Ilijaš („Službene novine Kantona Sarajevo“, broj 2/00), kojom je utvrđena cijena poslovnog prostora na području Ilijaša za neprofitabilne i humanitarne organizacije u iznosu od 8,00 KM/m², utvrđeno je da zakup poslovnog prostora koji koristi Liberalno demokratska stranka BiH iznosi 132,24 KM mjesečno, odnosno 1.586,90 KM godišnje.
Time što ova politička stranka nije platila zakupninu za korištenje navedenog poslovnog prostora u 2011. godini ostvarila je prihod u iznosu od 1.586,90 KM.⁴
- Rješenjem broj: 03-23-8-2613/01 od 30.10.2001. godine, Općinskom odboru Liberalno demokratske stranke BiH Sanski Most je dodjeljen na korištenje prostor površine 20 m² u poslovnoj zgradi Općine Sanski Most, bez naknade.
Članom 20. Odluke o uslovima i načinu davanja u zakup poslovnih zgrada i poslovnih prostorija na području Općine Sanski Most⁵ propisana je cijena zakupa poslovnog prostora za političke stranke koje participiraju u Općinskom vijeću Sanski Most u iznosu od 1,00 KM/m². Revizijom je utvrđeno da je mjesečni zakup poslovnog prostora koji je koristio OO LDS BiH Sanski Most iznosio 20,00 KM, odnosno 240,00 KM za 2011. godinu.
Obzirom da je LDS BiH nije platila zakupninu za korištenje navedenog poslovnog prostora ostvarila je zabranjeni prilog u iznosu od 240,00 KM.
- Općinskom odboru LDS BiH dodjeljen je na korištenje poslovni prostor bez naknade, površine 12,2 m² u poslovnoj zgradi Općine Donji Vakuf.⁶ Na osnovu raspoložive dokumentacije koju je dostavila Općina Donji Vakuf⁷ utvrđeno je da cijena mjesečnog zakupa iznosi 122,00 KM, odnosno godišnja zakupnina iznosi 1.464,00 KM. Time što ova politička stranka nije platila zakupninu za korištenje navedenog poslovnog prostora u 2011. godini ostvarila je prihod u iznosu od 1.464,00 KM.
- Prema podacima koje je dostavila Općina Jablanica⁸, utvrđeno je da je Općinski odbor LDS BiH Jablanica u 2011. godini koristio bez naknade kancelariju, površine 24 m², u vlasništvu ove općine.

b) Liberalno demokratska stranka BiH je prekršila odredbe člana 11. stav (1) i stav (3) Zakona o finansiranju.⁹

⁴ Akt Općine Ilijaš broj: 04/1-14-882/12 od 11.04.2012. godine.

⁵ Odluka broj: 07-02-818/12 od 05.04.2012. godine.

⁶ Akt Općine Donji Vakuf broj: 02-05-00770/11 od 07.04.2011.godine.

⁷ Akt Općine Donji Vakuf broj: 02-05-01356/12 od 16.04.2012. godine sa Ugovorom o zakupu zaključenim dana 23.01.2012. godine.

⁸ Akt Općine Jablanica broj: 01-07-850-1/12 od 03.05.2012. godine.

⁹ Prema odredbama člana 11. stav (1) Zakona o finansiranju političkih stranaka, političke stranke su obavezne da vode evidencije o svojim prihodima i rashodima.

U skladu sa odredbama člana 11. stav (3) Zakona o finansiranju političkih stranaka, stranka podnosi finansijski izvještaj u formi koju odobri Centralna izborna komisija, a u skladu s tim donesen je Pravilnik o godišnim finansijskim izvještajima političkih stranaka kojim su propisani sadržaj i forma finansijskog izvještaja („Službeni glasnik BiH“ broj 61/06).

Na osnovu obavljene revizije godišnjeg finansijskog izvještaja Liberalno demokratske stranke BiH utvrđeno je da stranka nije uspostavila potpune i tačne evidencije o svojim prihodima i rashodima i da obrasce godišnjeg finansijskog izvještaja nije popunila u skladu sa odredbama Pravilnika o godišnjim finansijskim izvještajima političkih stranaka, čime su prekršene odredbe člana 11. stav (1) i stav (3) Zakona finansiranju političkih stranaka.

- (1) Revizijom je utvrđeno da je Centralni ured Liberalno demokratske stranke BiH troškove u poslovnim knjigama evidentirao u momentu plaćanja, a ne u momentu nastanka obaveze, što je u suprotnosti sa računovodstvenim propisima.

Uvidom u finansijsku dokumentaciju utvrđeno je da troškovi električne energije evidentirani za samo tri mjeseca 2011. godine (januar, februar i oktobar 2011. godine), dok za devet mjeseci nisu evidentirani. Takođe je utvrđeno da je centrala LSD BiH troškove po osnovu ptt usluga evidentirala samo za osam mjeseci 2011. godine¹⁰, odnosno usluge interneta za sedam mjeseci¹¹.

Obzirom da LDS BiH nije u svojim poslovnim knjigama evidentirala pomenute troškove i nije iskazala u finansijskom izvještaju, ukupni rashodi stranke u 2011. godini su iskazani u manjem iznosu od ostvarenih.

- Služba za reviziju je utvrdila da je Kantonalni odbor LDS BiH Goražde izvršio gotovinske isplate fizičkim licima koja nisu zaposlena u ovom odboru u ukupnom iznosu od 12.685,00 KM, od čega je 10.170,00 KM isplaćeno fizičkim licima na ime seminara, a 2.515,00 KM na tekući račun fizičkog lica, tadašnjeg predsjednika stranke.

Takođe je utvrđeno da na isplaćena sredstva, koja imaju karakter ličnih primanja, nisu obračunati niti uplaćeni porez i doprinosi u skladu sa Zakonom o porezu na dohodak ("Službene novine Federacije BiH", br. 10/08, 9/10 i 44/11) i Pravilnikom o primjeni Zakona o porezu na dohodak ("Službene novine Federacije BiH", broj: 67/08, 4/10, 86/10, 10/11, 53/11 i 20/12).

Liberalno demokratska stranka BiH u poslovnim knjigama i godišnjem finansijskom izvještaju nije iskazala troškove i obaveze po osnovu poreza na dohodak i doprinosa na isplaćena sredstva fizičkim licima.

Služba za reviziju je, takođe, utvrdila da je Kantonalni odbor LDS BiH Goražde u poslovnim knjigama troškove i obaveze prema dobavljačima evidentirao u momentu plaćanja računa, a ne u momentu kada je političkoj stranci pružena usluga.

Iz razloga što nije evidentirala račune dobavljača, već samo isplate računa, stranka je u poslovnim knjigama na dan 31.12.2011. godine, obaveze prema sedam dobavljača iskazala kao preplatu, u iznosu od 3.170,45 KM, što ne odgovara stvarnom stanju obaveza, niti je svojstveno važećim računovodstvenim propisima.

- (2) Uvidom u Obrazac 1-1 (teritorijalna struktura političke stranke) finansijskog izvještaja utvrđeno je da LDS BiH nije iskazao Općinski odbor LDS BiH Kladanj, što nije u skladu sa odredbama člana 10. Pravilnika o godišnjim finansijskim izvještajima političkih stranaka.
- (3) Liberalno demokratska stranka BiH prekršila je odredbe člana 11. Pravilnika o godišnjim finansijskim izvještajima političkih stranaka jer u godišnjem finansijskom izvještaju nije iskazala podatke o svim transakcionim računima političke stranke.

¹⁰ Nisu proknjiženi računi za juni, juli, avgust i septembar 2011. godine.

¹¹ Nisu proknjiženi računi za januar, juni, juli, avgust i septembar 2011. godine.

- Revizijom je utvrđeno da je Liberalno demokratska stranka BiH u obrascu 2 (pregled prometa svih transakcijskih računa političke stranke) nije iskazala transakcijski račun Mladih liberala BiH broj: 3389002206101080 otvoren kod Unicredit banke d.d. u Sarajevu. Uvidom u izvode sa ovog transakcijskog računa utvrđeno je je početno stanje na dan 31.01.2011. godine iznosilo 153,77 KM, promet ulaza 0,14 KM, promet izlaza 0,00 KM, i stanje na dan 30.11.2011.godine 153,91 KM.
 - Liberalno demokratska stranka BiH je u obrascu 2 (pregled prometa svih transakcionih računa političke stranke) transakcijski račun OO LDS BiH Kladanj, broj: 3386902228622830 kod Unicredit banke, na koji su izvršene uplate iz budžeta Općine Ilidža u iznosu od 1.944,00 KM, iskazala kao transakcijski račun OO LDS BiH Ilidža. Netačnim iskazivanjem broja transakcionog računa i općinskog odbora, koji je otvorio račun, stranka je postupila suprotno odredbama člana 11. Pravilnika o godišnjim finansijskim izvještajima političkih stranaka.
- (4) Uvidom u godišnji finansijski izvještaj utvrđeno je da je Centralni ured LDS BiH iskazao ostale prihode u iznosu od 2.381,32 KM¹². Prema podacima iz specifikacije ostalih prihoda koju je dostavila stranka i uvidom u poslovne knjige, utvrđeno je da su niži organizacioni dijelovi LDS BiH izvršili prenos sredstava na transakcioni račun Centrale LDS BiH za njeno finansiranje u ukupnom iznosu od 2.338,00 KM¹³. Obzirom da je LDS BiH interni prenos sredstava koji organizacioni dijelovi stranke vrše jedni prema drugima iskazala kao ostale prihode, tako su i ukupni prihodi iskazani u većem iznosu za 2.338,00 KM, što je suprotno odredbama članom 13. stav (5) Pravilnika o godišnjim finansijskim izvještajima političkih stranaka.¹⁴
- (5) Liberalno demokratska stranka BiH nije u obrascu 4-1 godišnjeg finansijskog izvještaja Centralnog ureda LDS BiH, Kantonalnog odbora LDS BiH Goražde i Općinskog odbora LDS BiH Sanski Most pravilno iskazala troškove, čime je prekršila odredbe člana 21. Pravilnika o godišnjim finansijskim izvještajima političkih stranaka.
- Kod Centralnog ureda LDS BiH režijsko-administrativni troškovi nisu iskazani po vrstama, kako je propisano u tački b) člana 21. Pravilnika. Troškovi različitih usluga iskazani su u jednom iznosu od 6.294,00 KM i troškovi vođenja knjigovodstva iskazani su kao putni troškovi u iznosu od 1.000,00 KM. Uvidom u poslovne knjige stranke utvrđeno je da je Centralni ured stranke ostvario troškove zakupnine u iznosu od 5.070,00 KM, troškove telefonskih usluga u iznosu od 664,40 KM, troškove održavanja web stranice u iznosu od 270,00 KM, troškove vode 155,82 KM, trošak komunalnih usluga 151,33 KM i knjigovodstvene usluge u iznosu od 1.000,00 KM.
 - Kod Kantonalnog odbora LDS BiH Goražde troškovi, koji su u finansijskom izvještaju iskazani u iznosu od 27.859,00 KM, nisu iskazani u skladu sa članom 21. Pravilnika o godišnjim finansijskim izvještajima političkih stranaka, i isti su iskazani u većem iznosu za 3.171,00 KM u odnosu na troškove iskazane u poslovnim knjigama stranke.

Stranka je u izvještaju iskazala troškove usluga u iznosu od 16.030,00 KM dok su prema podacima iz poslovnih knjiga ostvareni troškovi u iznosu od 14.027,65 KM. Također, stranka nije iskazala troškove po vrstama.

¹² Prenos sredstava u iznosu od 2.365,49 KM i prihodi od kamate 15,83 KM.

¹³ OO LDS BiH Srebrenik 500,00 KM, OO LDS BiH Gračanica 1.500,00 KM, OO LDS BiH Jablanica 80,00 KM i OO LDS BiH Novi Travnik 258,00 KM.

¹⁴ Novčana sredstva koja jedan organizacioni dio prenosi drugom organizacionom dijelu unutar političke partije ne smatra se prihodom iz stava (1) ovog člana i ne iskazuje se na obrascu 3. iz člana 5. ovog pravilnika

Uvidom u poslovne knjige ovog organizacionog dijela stranke utvrđeno je da su ostvareni troškovi zakupnine u iznosu od 1.200,00 KM, troškovi održavanja 592,5 KM, troškovi reprezentacije 1.896,95 KM, troškovi seminara u iznosu od 10.170,00 KM, te drugi troškovi u iznosu od 168,20 KM.

Trošak stipendija u iznosu od 1.900,00 KM stranka je iskazala kao humanitarni rashod.

U okviru ostalih rashoda stranka je iskazala iznos 3.368,00 KM koji je na osnovu odluka isplatila na tekuće račune fizičkih lica i to: Bojanu Zecu Filipoviću iznos od 2.515,00 KM i dvije isplate Bezdrob Hamedu i Đozo Dževadu u iznosima po 426,50 KM.

- Kod OO LDS BiH Sanski Most stranka je u finansijskom izvještaju iskazala sve usluge skupa u jednom iznosu od 1.486,00 KM, odnosno nije ih iskazala po vrstama usluga kako nalažu računovodstvena pravila i član 21. Pravilnika o godišnjim finansijskim izvještajima političkih stranaka.

Uvidom u poslovne knjige ovog organizacionog dijela stranke utvrđeno je da su ostvareni troškovi reprezentacije u iznosu od 455,70 KM, troškove telefonskih usluga u iznosu od 361,80 KM, knjigovodstvene usluge u iznosu od 585,00 KM i drugi troškovi od 83,96 KM (usluge platnog prometa 78,46 KM i usluge kopiranja 5,50 KM).

- (6) LDS BiH nije iskazala sve obaveze na dan 31.12.2011. godine u obrascu 5.2 godišnjeg finansijskog izvještaja, čime je postupila suprotno odredbama člana 23. Pravilnika o godišnjim finansijskim izvještajima političkih stranaka.

Na dan 31.12.2011. godine stranka je iskazala obaveze prema dobavljačima u iznosu od 127.352,85 KM.

Uvidom u poslovne knjige, utvrđeno je da stranka nema potpune i tačne evidencije o dobavljačima, niti o pojedinačnim iznosima obaveza koje je u pomenutom iznosu iskazala u finansijskom izvještaju.

- U finansijskom izvještaju koji je dostavila Centralnoj izbornoj komisiji BiH na obrascu 5-2 (ostala dugovanja) i poslovnim knjigama, politička stranka je iskazala obaveze prema ostalim dobavljačima iz ranijih godina u iznosu od 46.906,72 KM, a da pri tome ne posjeduje nikakve evidencije na osnovu kojih bi se moglo utvrditi kome stranka duguje, te da li su takve obaveze zaista i nastale i po kom osnovu.

Revizijom je utvrđeno da Liberalno demokratska stranka u finansijskom izvještaju i poslovnim knjigama iskazala obaveze manje za 49.542,88 KM, i to:

- Stranka je u finansijskom izvještaju i poslovnim knjigama iskazala obavezu prema Službi zajedničkih poslova institucija Federacije BiH u iznosu od 41.747,42 KM, odnosno u manjem iznosu od stvarnih za 19.942,88 KM.

Naime, na zahtjev Centralne izborne komisije BiH, Služba zajedničkih poslova institucija Federacije BiH dostavila je obavijest u kojoj navodi da ukupne obaveze LDS BiH po osnovu zakupnine, energenata i komunalnih usluga od strane na dan 31.12.2011. godine iznose 61.690,30 KM.¹⁵

- U finansijskom izvještaju stranka nije iskazala obaveze za neplaćene kazne po pravosnažnim odlukama Centralne izborne komisije BiH, koje su na dan 31.12.2011. godine iznosile 23.700,00 KM.

¹⁵ Akt Službe za zajedničke poslove Federacije BiH broj: 02-14-628/13 od 26.02.2013. godine.

- Stranka nije iskazala neizmirene obaveze iz radnog odnosa prema tri fizička lica koja su protiv Liberalno demokratske stranke BiH dobila spor kod Kantonalnog suda u Sarajevu. Prema Rješenju Kantonalnog suda u Sarajevu, broj: 65 0 Rs 209044 11 RS od 19.03.2012. godine utvrđena je vrijednost spora u iznosu od 5.900,00 KM.
- Takođe, u finansijskom izvještaju stranka je iskazala negativan saldo obaveza na dan 31.12.2011. godine prema dobavljačima TOP DOG i CENTRONIC u ukupnom iznosu od 2.098,76 KM, što je suprotno računovodstvenim propisima.

5.2. PREPORUKE

Preporučuje se Liberalno demokratskoj stranci BiH da se pridržava odredaba Zakona o finansiranju, a posebno na osnovu uočenih nedostataka se preporučuje:

- *da ne prima zabranjene priloge,*
- *da vodi evidencije o svojim приходima i rashodima, i*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

Takođe, preporučuje je stranci:

- *da prihode i rashode priznaje u momentu njihovog nastanka, a ne u momentu naplate ili plaćanja, i*
- *da, u što kraćem roku, utvrdi stvarno stanje svojih obaveza i izvrši odgovarajuća knjiženja u svojim poslovnim knjigama.*

KOMENTAR:

U ostavljenom roku, Liberalno demokratska stranka BiH nije dostavila dostavila očitovanje na Preliminirani izvještaj o reviziji godišnjeg finansijskog izvještaja za 2011. godinu, koji je stranci dostavljen dana 18.04.2013. godine.

Zahvaljujemo se tehničkom sekretaru i ovlaštenoj osobi za finansijske izvještaje u Centralnom uredu Liberalno demokratske stranke Bosne i Hercegovine na dobroj i korektnoj saradnji tokom obavljanja revizije finansijskih izvještaja.

Mr. Hasida Gušić, šef Službe za reviziju

Nevenko Andan, revizor